

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Administrativna komisija
Broj: 01/7-011-67/01
Sarajevo, 22.2.2000. god.

Z A P I S N I K

2. sjednice Administrativne komisije Predstavnikog doma
održane 22. februara 2001.

Sjednica je počela s radom u 13 sati.

Sjednici su prisustvovali: Sead Avdić, Mirko Banjac, Adem Borić, Muharem Imamović, Branislav Lolić, Nedžad Šašivarević i Branka Todorović, sekretar Predstavničkog doma.

Sead Avdić, predsjedavajući Administrativne komisije predsjedavao je sjednicom.

Za sjednicu je predložen i jednoglasno usvojen sljedeći

D N E V N I R E D:

1. Usvajanje zapisnika 1. sjednice Administrativne komisije,
2. Prijedlog Zaključka o utvrđivanju kriterija o profesionalizaciji poslanika,
3. Izbor zamjenika predsjedavajućeg Administrativne komisije,
4. Tekuća pitanja.

Ad-1. Usvajanje zapisnika 1. sjednice Administrativne komisije

U raspravi o zapisniku niko nije sudjelovao.
Zapisnik 1. sjednice usvojen je jednoglasno.

Ad-2. Prijedlog zaključka o utvrđivanju kriterija o profesionalizaciji poslanika

Uvodne napomene dao je Sead Avdić. Istakao je da treba stvoriti uslove za profesionalizaciju svih poslanika koji žele da zasnuju radni odnos u Parlamentarnoj skupštini. Da bi se to realiziralo, neophodno je osigurati sredstva za rad Parlamentarne skupštine u 2001. godini o čemu će Predstavnički dom voditi raspravu prilikom usvajanja budžeta. Podsjetio je da je Komisija uputila anketno pismo svim poslanicima s ciljem da utvrdi koliki je interes poslanika za profesionalizacijom. Do dana održavanja sjednice za profesionalizaciju se izjasnilo 13 poslanika.

Članove Komisije upoznao s prijedlogom Kluba poslanika Stranke za BiH koji predlažu dopune Zaključka i to: da najmanje 1/3 poslanika ostvaruje radni odnos u Parlamentarnoj skupštini, a da predsjednici komisija budu, uz predsjedavajućeg i zamjenike predsjedavajućeg, u stalnom radnom odnosu u Parlamentarnoj skupštini.

U raspravi su učestvovali svi članovi Komisije.

S obzirom da su iznešeni stavovi i prijedlozi koji se uglavnom već nalaze u Odluci o utvrđivanju dužnosti poslanika odnosno delegata koji ostvaruju prava iz radnog odnosa u domovima Parlamentarne skupštine, a koja je donesena u prošlom poslaničkom sazivu, zaključeno je da se izvrši izmjena i dopuna postojeće Odluke, i to:

- u preambuli Odluke pozvati se na Poslovnik i današnju sjednicu
- tačku III, stav 1. iza riječi "koji ostvaruju pravo po tački II" dodati riječi "a najmanje 1/3 od ukupnog broja poslanika odnosno delegata, od kojih je 2/3 iz Federacije BiH a 1/3 iz Republike Srpske".

Komisija je usvojila prijedlog da Kolegij nastoji da se usvajanje Budžeta za 2001. godinu uvrsti u dnevni red sjednice Predstavničkog doma u toku mjeseca marta.

Jednoglasno je zaključeno da se sa poslanicima koji su se izjasnili za profesionalizaciju radni odnos zasnuje sa 1. martom 2001. godine.

Komisija je zadužila Zajedničku službu da, na osnovu adekvatnih pravilnika o platama u Predsjedništvu Bosne i Hercegovine i Vijeću ministara, predloži elemente za usklađivanje Pravilnika u Parlamentarnoj skupštini Bosne i Hercegovine.

Ad-3. Izbor zamjenika predsjedavajućeg Administrativne komisije

Predsjedavajući je, nakon konsultacija u Kolegiju, predložio da Branislav Lolić bude izabran za prvog zamjenika Komisije. Drugi zamjenik biće izabran na jednoj od narednih sjednica. Prijedlog je jednoglasno prihvaćen.

Ad-4. Tekuća pitanja

Administrativnoj komisiji se pismom obratio Pero Skopljak, zamjenik predsjedavajućeg Predstavničkog doma u prošlom sazivu, sa zahtjevom da mu se prizna, u iznosu jednomjesečne plate, njegovo radno angažovanje vezano za pripreme konstituirajuće sjednice ovog Doma.

Zaključeno je da se zaduži Zajednička služba da nađe način, na osnovu Zakona, da se udovolji molbi, isključujući da se to izvrši u vidu isplate redovne plate.

Sjednica je završila rad u 15.30 sati.

PREDSJEDAVAJUĆI
ADMINISTRATIVNE KOMISIJE
dr. Sead Avdić